

Sarkina Bt Mat Saad @ Shaari

From: Unit Komunikasi Korporat
Sent: Tuesday, November 27, 2018 2:33 PM
To: UUM - All Staff; UUM - All Students
Subject: Mahasiswa UUM Urus Pilihanraya Kampus



Unit Komunikasi Korporat
CORPORATE COMMUNICATION UNIT

Universiti Utara Malaysia

27 NOVEMBER 2018 / 19 RABIULAWAL 1440H

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Siti Fatimah Abdullah
Gambar oleh: Abdul Halim Husain

MAHASISWA UUM URUS PILIHANRAYA KAMPUS



UUM ONLINE: Buat pertama kalinya Universiti Utara Malaysia telah memberi laluan sepenuhnya kepada pelajar untuk mengendalikan Pilihanraya Kampus bagi sesi 2018/2019 secara bebas dan telus.

Menurut Pengarah Pilihanraya Kampus, Aida Amira Rosli, sebanyak 39 kerusi dipertandingkan dengan membariskan 26 calon bertanding merebut 9 kerusi umum, manakala 56 calon pula merebut 30 kerusi di 15 pusat pengajian ketika proses penamaan calon dijalankan pada 22 November lalu.

“Sambutan sangat meriah kerana lebih ramai calon bertanding yang menyaksikan persaingan pilihanraya kampus tahun ini lebih sengit.

Menariknya para pelajar yang dilantik sebagai Sekretariat diberi peluang untuk mengumumkan keputusan penjumlahan undi,” kata pelajar Sarjana Muda Falsafah, Undang-Undang dan Perniagaan.

Pada pemilihan kali ini, 6 calon dari 3 pusat pengajian menang tanpa bertanding iaitu Pusat Pengajian Undang-Undang (SOL), Pusat Pengajian Pengkomputeran (SOC) dan Pusat Pengajian Perniagaan Islam (IBS).

Proses pengundian bermula jam 9 pagi dan ditutup jam 1 petang melibatkan 64.95% pelajar keluar mengundi.

Ujarnya, MPP akan sentiasa bersama-sama membantu universiti melaksanakan agenda yang dirancang sekali gus melahirkan graduan yang holistik dan diterima baik masyarakat.

Mengulas pengalamannya sebagai pengarah, ini merupakan pengalaman baharu yang amat bermakna.

“Sebelum ini, saya hanya nampak dari sudut sebagai calon sahaja tapi apabila menjadi orang yang melaksanakan PRK ini, barulah saya tahu proses melaksanakannya tidaklah semudah yang dilihat kerana terdapat beberapa prosedur yang rumit.

“Alhamdulillah, dengan kerjasama daripada pelajar dan staf, PRK tahun ini berjalan lancar walaupun pertama kali dijalankan oleh pelajar,” luahnya.

Sementara itu, Timbalan Naib Canselor (Hal Ehwal Pelajar & Alumni), Prof. Dr. Abdul Malek Abdul Karim merangkap Pengerusi Jawatankuasa Induk mengucapkan setinggi-tinggi penghargaan terima kasih kepada semua yang berjaya menghidupkan amalan demokrasi dan memastikan PRK berjalan lancar.

“Selamat maju jaya kepada ahli MPP yang baharu seterusnya diharapkan membawa suara mahasiswa dan boleh menjadi penghubung antara mahasiswa dan pihak pengurusan,” ucapnya pada sesi pengumuman keputusan Pilihanraya Kampus 2018/2019.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.